

KJP „VETERINARSKA STANICA“ d.o.o.
S A R A J E V O



2409
Ul. Nikole Šopa 41
tel: +387 33 770 350
fax: +387 33 770 353
Web: www.vetstanicasa.ba
E-mail: vetstanicasa@bih.net.ba
TRN: 1610000002680024
Registarski br: 1-15507

ID: 4200119470009
PDV: 200119470009

Broj: *HB* /26
Sarajevo, 04.06.2026. godine

Bosna i Hercegovina
Federacija Bosne i Hercegovine
KANTON SARAJEVO

PRIMLJENO:		09-06-2026	
Organizaciona jedinica	Klasifikaciona oznaka	Broj prijave	Broj priloga
<i>011</i>	<i>04</i>	<i>644</i>	<i>121</i>

Bosna i Hercegovina
Federacija Bosne i Hercegovine
✓ SKUPŠTINA KANTONA SARAJEVO
Ul. Reisa Džemaludina Čauševića 1,
71000 Sarajevo

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede
Ul. Reisa Džemaludina Čauševića 1,
71000 Sarajevo

Predmet: Odgovor na zastupničko pitanje , dostavlja se

- **Veza : Akt Skupštine Kantona Sarajevo broj 01-04-644-46/26 od 19.05.2026. godine**

Poštovana,

Radi cjelovitog i preciznog informisanja, ističemo da su sva postavljena pitanja međusobno povezana te su obuhvaćena jedinstvenim, detaljnim odgovorom koji se odnosi na pojavu i provođenje mjera kontrole zoonotskih zaraznih bolesti na području Kantona Sarajevo.

Pojava žarišta bruceloze nije uzročno-posljedično povezana s predstojećim obilježavanjem Kurban-bajrama niti s aktivnostima koje se provode u vezi s prometom i klanjem životinja za potrebe ovog vjerskog praznika. Detekcija pozitivnih grla rezultat je redovnog provođenja Programa monitoringa zaraznih bolesti životinja, koji se kontinuirano sprovodi u skladu sa Zakonom o veterinarstvu Bosne i Hercegovine, Zakonom o veterinarstvu Federacije Bosne i Hercegovine te važećim podzakonskim aktima i naredbama nadležnih veterinarskih organa.

Bruceloza predstavlja zoonozu koja se nalazi na listi posebno značajnih zaraznih bolesti životinja, a njeno praćenje i kontrola provode se kroz sistematski godišnji monitoring propisan od strane nadležnih institucija. Tokom realizacije programa monitoringa svake godine se vrše dijagnostička ispitivanja životinja s ciljem pravovremenog otkrivanja bolesti iz kategorije zoonoza i drugih zaraznih bolesti od javnozdravstvenog i ekonomskog značaja.

U slučajevima kada laboratorijskim pretragama budu potvrđena pozitivna grla, nadležni veterinarski organi i ovlaštene veterinarske organizacije postupaju u skladu sa zakonom propisanim mjerama kontrole i suzbijanja bolesti. Navedene mjere obuhvataju stavljanje imanja pod službeni veterinarski nadzor, epidemiološko istraživanje, ograničenje kretanja životinja, uklanjanje zaraženih grla te provođenje svih drugih propisanih biosigurnosnih i sanitarnih mjera s ciljem sprječavanja daljnjeg širenja bolesti i zaštite zdravlja ljudi i životinja.

Važno je naglasiti da su planiranje, koordinacija i provođenje programa monitoringa, kao i mjera kontrole i eradicacije bruceloze, u nadležnosti Ureda za veterinarstvo Bosne i Hercegovine i Federalnog ministarstva poljoprivrede, vodoprivrede i šumarstva, uz operativno učešće nadležnih veterinarskih službi i ovlaštenih veterinarskih organizacija.

S obzirom na navedeno, pojava pojedinačnih slučajeva ili žarišta bruceloze predstavlja očekivan rezultat aktivnog nadzora i sistematskog monitoringa zaraznih bolesti, čija je svrha upravo pravovremeno otkrivanje i suzbijanje bolesti radi zaštite zdravlja životinja, javnog zdravlja i sigurnosti prehrambenog lanca.

Program monitoringa zaraznih bolesti životinja predstavlja sistemski i kontinuirani oblik veterinarskog nadzora koji se provodi na teritoriji Bosne i Hercegovine i Federacije Bosne i Hercegovine u skladu sa važećim propisima iz oblasti veterinarstva. Cilj monitoringa je rano otkrivanje, kontrola i sprječavanje širenja zaraznih i parazitarne bolesti životinja, naročito zoonoza koje mogu predstavljati rizik za zdravlje ljudi.

U okviru obaveznih mjera monitoringa i zdravstvene zaštite životinja provode se sljedeće aktivnosti:

- laboratorijsko ispitivanje goveda na brucelozu, tuberkulozu i enzootsku leukozu goveda;
 - kontrola kopitara na infektivnu anemiju konja;
 - monitoring peradi na salmonelozu, influencu ptica i njukastlisku bolest;
 - monitoring pčela na američku gnjiloću pčelinjeg legla;
 - kontrola malih preživara (ovaca i koza) na brucelozu, te obavezna godišnja vakcinacija malih preživara vakcinom protiv bruceloze;
 - uzorkovanje i laboratorijska analiza krvi, mlijeka, tkiva i organa životinja;
 - provođenje obavezne vakcinacije na područjima sa povećanim rizikom od pojave određenih zaraznih bolesti, uključujući bedrenicu (antraks) u slučaju proglašenja antraksnog distrikta;
 - označavanje i registracija životinja radi osiguranja sljedivosti, praćenja kretanja i utvrđivanja porijekla životinja;
 - veterinarski pregledi prilikom prometa i transporta životinja;
 - provođenje mjera dezinfekcije, dezinsekcije i deratizacije objekata i transportnih sredstava;
 - zabrana ili ograničenje kretanja životinja u slučaju pojave zaraznih bolesti;
-

- pojačan biosigurnosni nadzor farmi, stočnih pijaca, klaonica i objekata za uzgoj peradi.

Pored navedenih aktivnosti, Ured za veterinarstvo Bosne i Hercegovine svake godine donosi „Uputstvo o provođenju mjera za otklanjanje i sprječavanje zaraznih i parazitarnih bolesti životinja“, kao i „Program mjera zdravstvene zaštite životinja“, kojim se precizno definišu bolesti koje podliježu monitoringu, vrste životinja obuhvaćene ispitivanjem, broj i vrsta uzoraka, metode uzorkovanja te rokovi za provođenje pojedinih mjera.

Pravni osnov za provođenje navedenih aktivnosti sadržan je prvenstveno u Zakonu o veterinarstvu Bosne i Hercegovine i Zakonu o veterinarstvu Federacije Bosne i Hercegovine, kojima su uređene nadležnosti veterinarskih organa, postupak prijavljivanja zaraznih bolesti, provođenje mjera kontrole, ograničenja kretanja životinja, karantinskih mjera i drugih aktivnosti usmjerenih na zaštitu zdravlja životinja i stanovništva.

U vezi sa leptospirozom, važno je naglasiti da u Federaciji Bosne i Hercegovine ne postoji poseban važeći propis kojim je predviđeno rutinsko godišnje testiranje svih goveda, kao što je slučaj kod bruceloze ili tuberkuloze. Leptospiroza se prati kroz sistem nadzora zoonoza, epidemiološki nadzor i ciljanu dijagnostiku zasnovanu na procjeni rizika i epidemiološkim indikacijama.

Testiranje goveda na leptospirozu provodi se prvenstveno u slučajevima pojave pobačaja, reproduktivnih poremećaja, steriliteta, pada proizvodnih rezultata, uginuća životinja, pojave sumnjivih kliničkih simptoma ili u okviru epidemioloških istraživanja zoonoza. Dijagnostička ispitivanja obavljaju ovlaštene veterinarske laboratorije, uključujući laboratorije Veterinarskog fakulteta Univerziteta u Sarajevu, Veterinarskog zavoda Tuzla, Veterinarskog zavoda Bihać te druge laboratorije koje posjeduju odobrenja nadležnih organa.

S obzirom da leptospiroza predstavlja značajnu zoonozu, a goveda mogu biti rezervoar infekcije, nadležni veterinarski organi mogu naložiti ciljano laboratorijsko ispitivanje životinja kada postoje epidemiološke indikacije, sumnja na bolest na farmi ili kada se registruju slučajevi oboljenja kod ljudi.

S poštovanjem,



DIREKTOR



Dostaviti:

1. Naslovu;
2. a/a.